

## Evening Dogri (NSD) Bulletin 12-12-2024

### आकाशवाणी

खबरां ----

1 राज्यसभा च सोरोस ते अडानी आहले मसले गी लेइयै डंड रौली पेदी रेई जेदे करी सभा गी दिन भरै लेई मुआतल करी दिता गोआ।

2 लोकसभा च आपदा प्रबंधन संशोधन बिल 2024 विचार करने ते पास करने गी पेश कीता गोआ।

3 सरकार नै आखेआ ऐ जे पी.एम उज्जवला योजना 2.0 तैहत 2023-24 बरे कोला लेइयै 2025-26 बरे लेई मुख्यै च इक्क करोड़ 6 लकख रसोई गैस दे कनेक्शन जारी कीते गेन।

4 संस्कृति मैहकमे दे मंत्री गजेंद्र सिंह शेखावत होरें आखेआ जे भारत च घरेलू पर्यटकें दी गिनतरी च बाद्दा दर्ज कीता गोआ ऐ। 2014 बरे च घरेलू पर्यटकें दी गिनतरी 120 करोड़ ही जेड़ी 2023 च 250 करोड़ होई गई ऐ।

5 केंद्री बन्ज बपार ते उद्योग मंत्री पीयूष गोयल होरें आखेआ ऐ जे भारत नै यूरोपी संघ दे कन्नै इक संतुलित, व्यापक ते आपूंचै दे फायदे आहला मुक्त बपार समझौता करने दा लक्ष्य रक्खे दा ऐ।

6 प्रधानमंत्री नरेंद्र मोदी होर कल संगम नगरी प्रयागराज दा दौरा लाडन। ओह 2025 बरे आहले महाकुम्भ दा औपचारिक तौरा पर उद्घाटन करडन। इस महाकुम्भ दी अगले बरे 13 जनवरी सवां अधिकारिक तौरा पर शुरूआत होग।

<><><><><><>

RS Adjourned

राज्यसभा च, सत्ताधारी ते विपक्षी सदस्येँ बशकार अडानी समूह खिलाफ कथित रिश्वत दे आरोपेँ ते अमरीका स्थित जॉर्ज सोरोस फाउंडेशन ते कांग्रेस नेताएं बशकार मिली-भगत दे आरोप-प्रत्यारोपेँ करी होए दे हंगामे दे चलते सदन दी बैठक दिनभर लेई स्थगित करी दिति ँई। पैहली बारी होए दे स्थगन मारा सदन दी बैठक दो बजे जसिलै परतिए शुरु होई तां दोनेँ पक्खेँ दे सदस्येँ नारेबाजी दा सिलसिला जारी रखेआ। सभापति जदीप धनखड हों शोरशराबे बशकार कारबाई ँी जारी रखने दी कोशिश कीती। जनता दल सेक्यूलर दे सांसद एच डी देवेडा हों सभापति खिलाफ अविश्वास प्रस्ताव दा नोटिस देने आस्तै विपक्ष दी निन्देआ कीती। उने आक्खेआ जे विपक्ष ँी सदन चलने देना लोडचदा। विपक्ष दे नेता मल्लिकार्जुन खरगे हों सभापति पर पक्खपात करने दा आरोप

लाया। राज्यसभा के नेता ते भाजपा अध्यक्ष जेपी नड्डा होंरें विपक्ष दी ओहदे दा सम्मान नेई करने लेई निन्देआ कीती। उने आक्खेआ जे कांग्रेस इस मुद्दे राएं लोकें दा ध्यान भटकाना चाहन्दी ऐ। नड्डा होंरें लोकसभा च विपक्ष के नेता राहुल गांधी हुन्दी उपराष्ट्रपति के ओहदे दा सम्मान नेई करने दी बी निन्देआ कीती। इस सब्बे के चलदे सदन दी कारवाई दिन भरै लेई स्थिति त करी दिती ंई।

<><><><><><>

## LS-Disasters Management

लोकसभा च अज्ज आपदा प्रबंधन संशोधन बिल 2024 विचार करने ते पास करने गी पेश कीता गेआ। बिल च आपदा प्रबंधन कनून 2005 च संशोधन करने दा नियम ऐ। एहदा मकसद राश्ट्री आपदा प्रबंधन प्राधिकरण एन.डी.एम.ए ते राज्य आपदा प्रबंधन प्राधिकरण एस.डी.एम.ए गी समर्थ बनाना ऐ। बिल च राज्य सरकार गी राज्य दी राजधानियें ते नगर निगम आहले शैहरें लेई इक्क बक्खरा शैहरी आपदा प्रबंधन प्राधिकरण बनाने दा अधिकार देने दा सरिस्ता ऐ। एहदे च राश्ट्रीय ते राज्य स्तर पर आपदा डेटाबेस बनाने दा सरिस्ता ऐ। बिल च राज्य सरकारें गी राज्य आपदा मोचन बल एस.डी.आर.एफ. कायम करने दा अधिकार दिता गेदा ऐ।

<><><><><><>

Par.-Nadda

राज्यसभा दे लीडर ते भारती जनता पार्टी दे अध्यक्ष जे.पी नड्डा होरें अज्ज कांग्रेस पर अमरीका दी जार्ज सोरोस फाउंडेशन कन्नै पाडीर दे लीडरें दे कथित सबबंधें गी लेइयै हमला बोलेआ। संसद दे बाहर समाचार माध्यमें कन्नै गल्लबात च श्री नड्डा होरें आखेआ जे कांग्रेस गी जॉर्ज सोरोस दे कन्नै अपने कथित सरबंधें दे बारे च मुख्यै दी जनता गी दस्सना लोइचदा ऐ। उनें आखेआ जे भारती जनता पार्टी इस मसले गी लेइयै लोकें बिच जाग।

<><><><><><>

RS-59 Services

सरकार नै आखेआ ऐ जे मुख्य भरै च सब्बनें राज्यें ते केंद्र शासित प्रदेशें च 5-जी सेवा शुरू करी दिती गई ऐ ते मौजूदा समें च 779 जिलें च एह सेवा उपलब्ध ऐ। संचार ते ग्रामीण विकास राज्यमंत्री Dr. Pemmasani Chandra Sekhar होरें अज्ज राज्यसभा च इक लिखित जवाबै च एह जानकारी दिती।

<><><><><><>

## LS-Ujjwala

सरकार नै अज्ज आखेआ ऐ जे प्रधानमंत्री उज्जवला योजना 2.0 तैहत मुल्खञ्चौ च 2023-24 बरे कोला लेइयै 2025-26 बरे लेई रसोई गैस दे इक करोड़ 6 लक्ख कनेक्शन जारी कीते गेन। लोकसभा च इक लिखित जवाबै च तेल पेट्रोल ते कुदरती गैस मंत्री सुरेश गोपी होरें जानकारी दिती ऐ जे 2025-26 बरे लेई लक्ष्य रक्खेआ गेआ हा जेड़ा इस बरे जुलाई च गै तय करी लैता गेआ हा। उनें आखेआ जे सरकार दी कोशशें करी मुल्खै च एलपीजी गैस दे दायरें च सुधार होआ ऐ। उनें आखेआ जे 2016 बरे मई म्हीने च उज्जवला योजना दी शुरूआत कीती गेई ही, एहदा मकसद मुल्खै दे गरीब परिवारें गी महिलाएं गी मुफ्त रसोई गैस कनेक्शन उपलब्ध कराना ऐ। श्री गोपी होरें दस्सेआ जे योजना दे पैहले गेढ़ तैहत 8 करोड़ रसोई गैस कनेक्शन उपलब्ध कराने दा लक्ष्य सितंबर 2019 च हासल करी लैता गेआ हा।

<><><><><><><>

## **Shekhawat**

केंद्री संस्कृति ते सैलसफा मंत्री गजेंद्र सिंह शेखावत होरें आखेआ ऐ जे मुल्खै च घरेलू पर्यटकें दी गिनतरी च बड़ा बाद्दा होआ ऐ। 2014 बरे च घरेलू पर्यटकें दी गिनतरी तकरीबन 120 करोड़ ही जेड़ी 2023 च

बदियै 250 करोड़ होई गई। श्री शेखावत होर अज्ज नमीं दिल्ली च सैलसफा दे खेतर च होई दी तरक्की ते पैहलकदमियें बरै समाचार माध्यमें कन्नै गल्लबात करा करदे हे। उनें आखेआ जे पिछले 10 बरें च कुल संसारी यात्रा ते सैलसफा दे विकास सरबंधी सूचकांक च भारत दी रैंकिंग 65 कोला बदियै 39 तोड़ी जाई पुज्जी ऐ। शेखावत होरें आखेआ जे 2022 सवां 2023 बरे च सैलसफा दे खेतर च 7 करोड़ कोला मती नौकरियां पैदा कीती गेइयां न। संस्कृति मंत्री होरें मुल्खै दी 10 जहार बरें दी जातरा गी दस्सने लेई राष्ट्रपति भवन दे सामनै दुनिया दा सब्बनें कोला बड्डा अजैबघर बनाने दी सरकार दी योजना दा बी जिक्र कीता। शेखावत होरें दस्सेआ जे सरकार नै असमियां, मरड़ी, पाली, प्राकृत ते बंगाल गी शास्त्रीय भाशा दे रूप च मानवता दिती। एदे कन्नै भारती शास्त्रीय भाशाएं दी कुल गिनतरी 11 होई गई ऐ।

<><><><><><><>

Nitin Gadkari Accident

केंद्रीय शिडक ते राष्ट्रीय जरनैली शिडकें सरबंधी मंत्री नितिन ँडकरी होरें लोकसभा च आकखेआ जे हादसे दे पीड़ितें आस्तै कैशलेस इलाज योजना तौले ँ पूरे मुल्खै च शुरु होई जा। लोकसभा च इक सोआले

दे लिखित परते च उने एह ँल्ल आकखी। ँडकरी होरें आकखेआ जे 6 राज्यें च प्रचलित योजना तौले ँ उत्तर प्रदेश ते मऱरा देशें दे बाकी हिस्सें च शुरू कीती जाऱ। एह योजना सडक हादसे दे पीडितां ँी अस्पताले च डेढ लकख रपे तर दे कैशलेस इलाज दा लाह ठोआने च सक्षम बनान्दी ऐ। राष्ट्रीय जनैली शिडकें पर हादसे दी बददी ँनतरी पर चिन्ता जाहिर करदे होई उने सदस्यें सोयां ऐसे सिडक हादसे दी बजहें दा पता लाने आस्तै हर जिले च हादसे दी रोकथाम सरबंधी समितियां कायम करने दा अनुरोध कीता। ँडकरी होरें आकखेआ जे कैशलेस इलाज दी नै 6 राज्यें च 21 सौ लोके दी जान बचाई ऐ, जित्थे एह योजना अजे लाऱू कीती जाऱदी ऐ।

<><><><><><><>

### Prez. Rank

राष्ट्रपति द्रौपदी मुर्मू होरें अज्ज राष्ट्रपति भवन च लग्गे दे इक्क समारोह च सुप्रबल जनवेवाश्री जनरल अशोका राज गिगडेल होरें गी भारती सेना दे जनरल दा मानक रैंक प्रदान कीता। श्री सिगडेल नेपाली सेना दे प्रमुख न। उनेगी भारत दे कन्नै नेपाल दे लम्मे रिचे दे ते दोस्ती मित्री आहले सरबंधें गी बदाने च उंदे योगदान लेई सम्मानित कीता गेआ।

<><><><><><>

## Hockey-India

प्रसार भारती नै अज्ज नमीं दिल्ली च हॉकी इंडिया कन्नै इक्क सहमति पत्रे पर दस्तखत कीते। एह समझौता आंदी हॉकी इंडिया लीग दा सिद्धा प्रसारण उपलब्ध कराने बारे हा। एहदे कन्नै दूरदर्शन हॉकी इंडिया लीग 2024-25 दा अधिकारिक प्रसारक बनी गेआ ऐ। एह लीग इस म्हीने दी 28 तरीक गी शुरू होग।

<><><><><><>

## India-EU FTA

केंद्री बन्ज बपार ते उद्योग मंत्री पीयूष गोयल होरें आखेआ ऐ जे भारत नै यूरोपी संघ दे कन्नै इक्क संतुलित, व्यापक ते आपूं'चै दे फायदे आहला मुक्त बपार समझौता करने दा लक्ष्य रक्खे दा ऐ। श्री गोयल होरें यूरोपी कमीशन दे नुमाइंदें कन्नै गल्लबात च भारत ते यूरोपी संघ बश्कार बदा करदे बपार ते बदा करदे सरबंधें पर चर्चा कीती। गोयल होरें आखेआ जे भारती अर्थ बवस्था च हर बरे 7 कोला 8 फीसदी दे बाद्दे दी मेद ऐ जेदे कन्नै भारत अगले किश बरें च दुनिया दी त्री सब्बनें कोला बड्डी अर्थ बवस्था बनी जाग।

<><><><><><>

## PM-Prayag

प्रधानमंत्री नरेंद्र मोदी होर कल संगम नगरी प्रयागराज दा दौरा लाडन ते 2025 बरे आहले महाकुम्भी दा औपचारिक तौरा पर उद्घाटन करडन। अगले बरे 13 जनवरी सवां महाकुम्भ दी अधिकारिक तौरा पर शुरूआत होई जाग। प्रधानमंत्री नरेंद्र मोदी होर इस मौके पर महाकुम्भ सरबंधी तकरीबन 7 जहार करोड़ रपे दी लागत आहिलयें परियोजनाएं दा उद्घाटन करडन। एह परियोजनां पूरी चाल्ली तैयार होई गेदियां न। स्हाढे संवाददाता नै खबर दिती ऐ जे प्रधानमंत्री होर बक्ख-बक्ख रेलवे ते शिड़क परियोजनाएं दा नमें रोड ओवर ब्रिज, फलाईओवर, स्थाई घाट ते रीवफ फ्रंट शिड़कें दा उद्घाटन करडन। इनें परियोजनाएं कन्नै प्रयागराज च बुनियादी ढांचे दे विकास च बाददा हाग ते मेल संपर्क दी स्थूलत उपलब्ध होग। प्रधानमंत्री होर भारद्वाज आश्रम गलियारे, शरिंगवीरपुर धाम गलियारे, अक्षियत गलियारे, हनुमान मंदर गलियारे समेत बक्ख-बक्ख मुख मंदर गलियारें दा बी उद्घाटन करडन। प्रधानमंत्री होर तम्बुएं आहले शैहरा च तकरीबन 3 घैंटें रौहडन। इस दौरान ओह मंदरें च मत्था टेकडन ते गंगा पूजा ते आर्ती बी करडन। प्रधानमंत्री होर कुम्भ मेले दे इलाकें च इक्क रैली च भाषण बी देडन।

<><><><><><><><>

## **PM-JJM**

प्रधानमंत्री नरेंद्र मोदी होंरें अजज जल जीवन मिशन दी सराहना करदे होई आखेआ जे इस योजना नै महिलाएं गी सशक्त बनाने च खासतौरा पर ग्रामीण इलाकें च मती अहम भूमिका निभाई ऐ। अपने सोशल मीडिया पोस्ट च प्रधानमंत्री होंरें आखेआ ऐ जे हर इक घर च साफ पानी कन्नै महिलाएं हुन कौशल विकास ते आत्मनिर्भरता उप्पर ध्यान देई सकदियां न।

<><><><><><><><>

## **MEA-Portugal**

पुर्तगाल दे विदेश मंत्री Paulo Rangel होर अपनी 4 दिनें दी भारत दी अधिकारिक जातरा लेई अजज नमीं दिल्ली पुज्जी गे। एह भारत दी उंदी पैहली अधिकारिक जातरा ऐ। विदेश मंत्रालय नै रंगेल हुंदा सुआगत कीता। इक सोशल मीडिया पोस्ट च एम.ई.ए दे प्रवक्ता रणधीर जयसवाल होंरें आखेआ जे इस दौरें कन्नै दौनें मुख्यें दे बहुआयामी रिश्ते गी होर बी मजबूती थहोग। रंगेल होर कल नमीं दिल्ली च विदेश मंत्री डॉ. एस जयशंकर हुंदे कन्नै बैठक करडन।

<><><><><><><><>

## NIA-Raids

आतंकवादी ँतिविधिं च मदद करने आहले ओवर ग्राउंड वर्कर्स दे नेटवर्क ँी खत्म करने दे मकसद कन्नै राश्ट्री जांच एजेंसी नै अज्ज रियासी जिले दे मोहर इलाके च छापेमारी कीती। इस कार्रवाई दा मकसद इस खेत्तर च आतंकवादी ँतिविधियें लेई समर्थन प्रणाली ँी खत्म करना ऐ। ध्यान देने जोँी ँल्ल एह ऐ हाल च ँै एन.आई.ए नै जम्मू खेत्तर च अपने अभियान ँी तेज करी दिता ऐ। जिंदे च आतंकवादी ँतिविधियें च मदद करने दे शक आहले व्यक्तियें उप्पर कार्रवाई तेज होआ करदी ऐ। इस थमां पैहले 21 नवंबर 2024 ँी एनआईए नै जम्मू दे 5 जिलें च 8 थाहरें पर इस चाल्ली दी छापेमारी कीती ही।

<><><><><><><>

## Punjab-BSF

पंजाब दे अमृतसर दे कच्छ गांs जसरोर कोल कल संझा लै सीमा सुरक्षा बल ते पंजाब पुलस दे सांझे अभियान च 2 नार्को तस्करें गी गिरफ्तार कीता गेआ। उंदे कोला 37 जहार रपें दी नकदी, इक मोबाइल फोन ते दो निक्कियां तोलने आहिलियां मशीनां बरामद

कीतियां गेइयां। दौनें गी होर जांच आस्तै पंजाब पुलस गी सौंपी दिता  
गेआ ऐ।

<><><><><><>